

# Alkitab Sagan Kakanakan Mengenal akan



Timbuk  
ganal  
Nehemia



Panulis: Edward Hughes

Nang manggambar: Jonathan Hay  
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.



Persia, nagara nang kuat, pusat matan pamarintahan dunia. Lawan raja Artahsasta mamarintah Persia. Ngintu maulahnya jadi saurang pamarintah nang bakuasa babar. Saurang pambantu raja nang panting banar bangaran Nehemia saurang Yahudi. Tugasnya adalah marasani masakan raja hagan malindungi raja matan kamungkinan racun.




Pas hari ngintu, Nehemia datang ka raja lawan muha nang muram. Raja handak tahu napa nang sudah tajadi. Nehemia baucap. "Uh raja, samuga raja hidup hagan salamanya." Aku sadih ulih kuta wadah kuburan abahku sudah hancur lawan lawang-lawang garbangnya jua sudah hancur ulih paparangan babarapa tahun nang lalu.




Raja Artahsasta batakun, "Napa nang ikam handaki?" Nehemia mamuhun, "Ijinakan aku tulak ka Yerusalem supaya aku kawa mambangunnya baasa." Raja Artahsasta satuju banar. Inya jua mambari Nehemia surat parintah malindunginya salawas parjalanan.



Raja mambantu banyak banar. Inya mambari Nehemia surat hagan Asaf, saurang panjaga hutan ampun raja. Asaf diparintahakan hagan mamaruhi sabarapa banyak kayu nang dibutuhakan Nehemia hagan mambangun timbuk ngintu.



Pas Nehemia sampai di Yerusalem, inya manamui pamarintah kuta lawa baucap, "Pas ngini kita rahat dalam masalah. Kuta rahat dalam kahancuran lawan timbuk kuta jua sudah tabakar. Ayu kita mulai mambangunnya."



Nehemia jua manyampaiakan pada raja Artahsasta mandukung buhannya, lawan nang paling pating matan sabarataan ngintu, Allah jua basarta buhannya.





Iman Nehemia lawan samangat ampunnya manyamangati banyak urang. Buhannya satuju, baucap, "Ayu kita bangun pulang." Nehemia baucap ka kaluarganya nang lain pada timbuluk pardamaian pacangan dibangun baasa, buhannya pacangan maimbahinya.



Tapi, kada sabarataan urang satuju mambangun pulang timbuk ngintu. Lakian bangaran Sanballat, lawan kadua urang kawannya Tobiah lawan Geshem, kadalah urang Yahudi lawan buhannya kada handak



mambangun atawa maimbahi lawang garbang ngintu.



Pas gawian balangsung, Sanbalat sarik banar. Inya lawan kawannya mahuluti urang-urang Yahudi. Tobia baucap, "Pas buhannya sabarataan maimbahi timbuk pambatas ngintu, sabuting matan sarigala ngintu pacangan datang mahancurakan ngintu barataan." Nehemia kada manjawab. Tapi, inya badua ka Tuhan supaya



manyartai buhannya tarus.



Pas hasutan buhannya kada mambawa dampak napa-napa, buhannya basapakat hagan malawan Yerusalem lawan maulah banyak kakacuan sabanyak nang buhannya kawa. Nehemia babulik mamuhun partulungan matan Tuhan.

Inya jua maandak panjaga siang lawan malam supaya buhannya kada dikajuti ulih napa haja.




Urang-urang Yahudi cangkal banar bagawi, lawan mulai langah. Buhannya takutan musuh datang mambunuh buhannya pas rahat bagawi. Tapi tatap, Nehemia kada ampiah bagawi. Inya maandakan panjaga di sakaliling upahan lawan maingati buhannya sabarataan pada Allah lawan buhannya mana Allah jauh labih kuat daripada musuh!




Nehemia mancuba hagan jadi cuntuh nang baik.

Raja Artahsasta sudah manjadi gubernur matan Yerusalem lawan hak hagan manuntut makanan lawan duit matan urang-urang disana, tapi Nehemia kada manggawinya.



Inya bagawi haja lawan urang-urang hagan maulah timbuk ngintu pulang. Inya mamakai duitnya saurang hagan nukar makanan.



Imbahnya, buhannya maimbahi bangunan timbuk lawan hinggann maandakan lawang-lawang di garbang utama. Pas Sanbalat, Tobia lawan Gesyem mandangar pada kada ada panghalang di timbuk ngintu, buhannya barancana mancalakai Nehemia.





Buhannya mangirim pasan ka Nehemia hagan batamu lawan buhannya disuatu wadah bangaran Ono. Tapi Nehemia tahu pada buhannya mancuba mamancingnya kaluar matan kuta sahingga buhannya kawa mancalakainya. Nehemia mambalas surat ngintu lawan bapadah ka buhannya pada inya kada kawa maninggalakan gawiannya hagan manamui buhannya.



Bangunan timbuk  
ngintu akhirnya  
bujur-bujur  
imbah,



lawan Nehemia  
mangatur buhan panjaga  
hagan manjaganya.



Inya jua maulah  
paraturan pada  
lawang garbang  
ngintu kada  
bulih



dibuka  
sampai  
matahari

timbul. Sapanjang malam,  
buhannya harus manutup  
lawan manjaganya.



Wahini kuta ngintu babulik aman, banyak urang Yahudi nang dahulu pindah ka wadah lain, babulik ka Yerusalem. Nehemia arai banar ulih sudah maimbahi gawian Tuhan nang sudah dibariakan ka inya, lapas matan kasusahan. Nehemia badiam di Yerusalem lawan mambantu urang-urang hagan satia tarus lawan Allah.



# Timbuk ganal Nehemia

Sabuting kisah matan Firman Tuhan, Alkitab

Taulih dalam

Nehemia

"Amun tabuka, firman-firmanPian mambari  
pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

